

Con les Anmaries tres l'Advent y por döt l'ann

I envieii düc da s'archité y da se tó dlaorela por perié les Anmaries: dla prüma domegna d'Advent cina ala Veia de Nadé. Fosc vegnel denfora na bona üsanza da vigne de co nes accompagnaia por döt l'ann. Avisa cösc „tomp de Corona“ con döttes söa malsüghertés, minunghes, usc, ieranzas y temes dess renforzé te nos l'intenziun da s'archité por l'oraziun. Les Anmaries podunse perié endlunch: dertan le cujiné, te bus, canch'i jun con l'auto, dertan ch'an vá a spazier, desco oraziun da dan le mangé, te n salf da aspeté, pa na sontada ..., da susc o adöm con d'atri, dadalt o daplan. Al é na spiritualité por la vita da vignedé.

I se preii da perié les Anmaries ince con i mituns y da ti fá conesce cösta oraziun. Cösc envit feji dandadöt a os geniturs y os neni y lās.

I rengrazieii düc chi co forma con les Anmaries na rei de oraziun co nes lieia tla dljia locala y tal mon: personalmonter, te families, comunités de ciasa, comunités de convont, ciasas de palsa y endlunch danló olache porsones credontes vir deboriada.

Les Anmaries dess ince ester na oraziun co dá speranza y nes mena y acompaניהia tres la pandemia dal corona. „Y la parora de Dio s'á fat cern y é gnüda a sté danter nos“ (Jan 1, 14) – con döttes les consequenzes, dala ciané ala crusc. Gejú Crist conesc la vita umana por esperianza. El partesc cösta vita con nos, cina tal plü sot de so patimont. El é le „Dio con nos y por nos“ – sen, ince dertan la borta esperianza de cösta maratia y cinamai sora le punt de mort fora.

Se tó dlaorela, aldí, dé resposta, avei creta y sorantó l'enciaria de Chelbeldio - desco Maria, la Oma de Dio. lu preii con os düc y i ves preii do osta oraziun.

Osc Vesco + Ivo Muser

Pröma domegna d'Advent, ai 29 de november 2020

1 Enformaziuns y termins

“Lichter im Advent”: tla „Haus der Familie“ a Lichtenstern söle Ritten vegnel tigní vigne sabeda ales 18:00 na mes'ora de meditaziun d'Advent con signor Tone Fiung co sará da odei live sön Facebook. Le pröm termin é en sabeda ai 28 de november: <https://www.facebook.com/hausderfamilie.ritten/live/>

Fora por l'Advent con l'Uniu Teater La Val: vigne domegna d'Advent ves aspeta la Uniu Teater La Val con n picio video sön sù canai Youtube y Facebook dales 17:00 ennant. Al é n invit da nes archité y sté empü adöm, serenamonter – ince ensciö, te cösta maniera, aladò de cösc tomp. Nes godun n per de menuc con stories, rezetes de checs y ponsiers lominusc. - N bun Advent!

Comun de Mareo: dla proscima edema é le zenter de reciclaje Ciamaor endò davert le dedemesaledema dales 14:00 ales 16:30 y le vendres dales 15:00 ales 19:30.

| | | |
|----------------------|--|--------------|
| Döt le bun a: | Albina Maria Paur, <i>Al Plan</i> | * 30.11.1939 |
| | Elisabetta Willeit Trebo, <i>Al Plan</i> | * 01.12.1935 |
| | Rosa Brandlechener ved. Ploner | * 02.12.1928 |
| | Rosa Vitoria Rubatscher ved. Feichter, <i>Al Plan</i> | * 04.12.1933 |
| | Maria Maneschg ved. Frontull | * 04.12.1934 |
| | y a düc chi co á santennom y complesc i agn cöst'edema | |

Impressum: Ploania d'La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann B

29.11.2020 - Pröma domegna d'Advent

n. 1

Avei fidonza y ester arjignés

📖 **Is 63, 16b–17.19b; 64, 3–7 | 1 Cor 1, 3–9 | Mc 13, 24–37**

Dal Vangelo do San Merch:

[...] Gejú ti á dit a sü discepui: ³³Metede averda, y stede muntri! Deach'i ne seis nia, canche le tomp é atló. ³⁴Ara é desco con n el co á lascé söa ciasa, por se meter söle iade: Al ti á sorandé dötta la responsabilité a sü fanc, a vignönn so laür; le portier ál comané de sté munter. ³⁵Porchel stede muntri! Deache i ne seis nia, canche le patron de ciasa ven endò, sce da sera o da mesanet, sce dal ciant dal ial o da doman. ³⁶Al ne dess nia, canch'al ven te n iade, ves urté tal som. ³⁷Ci ch'i diji a os, chel diji a düc: Stede muntri!

I ponsun do: *I ne sán nia canche le Signur ven a damané cunt da nos. Magari belo en doman; mo al pó ince ester ch'ara döri ciamó trec d'agn cina ch'al ven. Emportant él ma ch'i fajunse de por de ci che Chelbeldio comana y ch'i sunse dagnora arjignés por El. Cösc ô dí vire do söa orenté, pratiché l'amur, cherí la comunité, renforzé la speranza y trasformé ensciö, en püch al iade, le monn.*

I periun: *Dio onipotent, con Gejú Crist aste tö motü man da trasformé le monn. Tal meterman le tomp d'Advent te periunse: fá ch'i anse en cör davert por töa orenté y deidesse ester de bogn colauradús de to Regn. Por Crist, nosc Signur.*



Vesco Wilhelm Egger "Sonntagsbibel"

📖 **Letöres dla secunda domegna d'Advent:**

Is 40, 1–5.9–11 | 2 Pire 3, 8–14 | Mc 1, 1–8

Edema liturgica dai 29.11. ai 06.12.2020

| | |
|----------------------------------|---|
| DOM 29. | Pröma domegna d'Advent domegna dla dlijia te ciasa <i>Friedrich, Iolanda, Jutta</i> |
| 08:30 → 19:00 | gran messa por dōta la ploania <i>oferta por la ploania</i> les ciampanes sona ete l'Advent y envieia al'oraziun te familia (te "Sonntagsblatt" y sot a https://www.valbadiaonline.it/comunite/ploanies/material-download/devoziuns-a-ciasa.html ciafon propostes por na funziun te familia) |
| 10:00 | s.m. a Al Plan |
| Lön 30. → | festa de Sant'André apostul (patron da Pliscia) de d'oraziun te familia |
| Ded 01. → 19:00 | <i>Natalia, Natalie, beat Charles de Foucauld</i> Rorate por nüsc †† de cōsc ann, morc a La Pli y foradeca s.m. por la fam. Markus y Anna Fischnaller, Pliscia s.m. do na intenziun personala, Valsperch |
| Dem 02. → | <i>Luzius, Bibiana</i> de d'oraziun te familia |
| Jöb 03. → 19:00 | <i>Franz Xaver, Emma - de d'oraziun do vocaziuns</i> Rorate por perié do vocaziuns Rorate por perié do la sanité s.m. por †† Pasquale Winkler y Otto Delleg, Scionele s.m. por les families Hubert y Maria Feichter, Tescere |
| Ven 04. → | pröm vendres - Barbara, Jan da Damaskus, beat Adolph Kolping <i>beat Johannes Nepomuk von Tschiderer</i> deache la situaziun é por le momont endô zitia ne jará signor ploan encö nia a proverer; al spera da podei endô jí de iener → de d'oraziun te familia |
| Sab 05. → 14:00 | <i>Anno, Reinhard</i> a Curt, s.m. en onú de San Mocherà s.m. d'aniversar por † Angelo Brandlechner, Gosser s.m. por † Florian Terza, André s.m. por †† Vigile y Maria Comploi, Möra 18:00 <i>Rorate a Al Plan</i> |
| DOM 06. | Secunda domegna d'Advent <i>Mocherá (patron da Curt), Klaus, Nicole</i> |
| 08:30 → 19:00 | gran messa por dōta la ploania <i>oferta por la ploania</i> s.m. d'aniversar por † Emma Frontull ved. Ellecosta, Bastl |
| 10:00 | s.m. a Al Plan |
| <i>ampola:</i> | por les families d'La Costa dessora |
| <i>ministronc:</i> | • dedolönesc y sabeda: Tobias y Marco • jöbia y domegna: Elias y Lucia |
| <i>i recordun:</i> | Emma Rovara Aichner, Valdoara † 02.12.2015 Emma Frontull ved. Ellecosta † 05.12.2016 |



Envit dal Vesco: **Con „Les Anmaries“ tres l'Advent y por döt l'ann**



L'angelo dal Signur á anunzié a Maria, y era á conzepí por opra dal Spirit Sant. Ave Maria...

Maria á dit: "I sun la fancela dal Signur: al sozedi con me desche t'as dit."

Ave Maria...

Y la Parora de Dio s'á encarné y á abité danter nos.

Ave Maria...

Preia por nos, santa Oma de Dio, ch'i gnunse degns de ci che Gejú Crist nes á empormotü.

Periun! Dio onipotent, jüta ete töa grazia te nüsc cōrs. Con l'anunziaziun dal angelo áanse conesciü l'encarnaziun de Gejú Crist, to Fi. Fá ch'i gnunse degns, por i miric de söa pasciun y mort, da roé ala gloria dla ressureziun. Por Gejú Crist, nosc Signur. Amen.

Cares sorus y cari fredesc te nosta Diozeja Balsan-Porsenú!

“Sön töa parora: se tó dlaorela por ...” Les Anmaries alda ben ples oraziuns plü vedles y plü conesciüdes ch'i an. I podun les capí y les perié desco n ressumé dla fede cristiana. Dal 13° secul encá vegnel soné l'Anmaria. Les ciampanes nes envieia vigne de da doman, da misdé y da sera a se tó dlaorela por medité con Maria le mister dl'encarnaziun de Dio. Dai 15 d'agost – gran festa de Santa Maria tuta sö al Ci – dal ann 1954 encá preia le Papa vigne domegna y vigne festa les Anmaries publicamonter.

Ciodi periunse pa les Anmaries?

Perié ô dí se tó dlaorela por: i lasciun por en momont sté ci ch'i sun tal fá. I se dauriun a Chelbeldio. I se recordun che El é atló. Döt met man con cōsta desposiziun.

Perié ô dí aldí: “Ciamó denant co conzepí te so corp ára conzepí te söa oredla”, dij Sant'Agostin de Maria. Scuté sö con atenziun. Aldí fora Chelbeldio y söa parora danter dōtes les atres usc da vigne de. Jí con Maria söle tru dl'encarnaziun de Dio.

Perié ô dí dé resposta: Maria á dé en “poa” desco resposta – zonna sei ci co ti aspetá, mo con fidonza – cina sot la crusc de so fi. Era romagn pa so “poa” ch'ara á dé.

Perié ô dí confidé: Chelbeldio nes conesc. Al n'é nia en destin verc co arvenn nosta vita, nosc dagní n'é nia da cherí tles steres. Nos fajun pert dla storia dla salveza de Dio. Con Gejú Crist, fi de Dio y fi de Maria, s'á motü Chelbeldio por dagnora da nosta pert. El ven le tru con nos y nes vá danfora: tres la crusc ala ressureziun.

Perié ô dí sorantó l'enciara de Dio: Desco a Maria dij Chelbeldio ince a nos: lu t'adori! Le miraco dl'encarnazion de Chelbeldio sozed danló olache al s'encunta le “poa” de Chelbeldio con le “poa” dla porsona. Tla plena liberté nes lascel tó la dezijiun, ci resposta ch'i ti dun a söa domanda, sc'i sorantolun l'enciara che al ô se sorandé. >>